

**Si Cristo nga Dunay Binuhatan nga Gibut-an sa Langit,
ang Atong Magbalantay, ang Atong Pahulay, ug ang Magsasabod**

Basahong Kasulatan: Mat. 9:20-22, 36; 11:28-30; 13:3, 18-23

I. Gipadayag si Cristo nga dunay binuhatan nga gibut-an sa langit—ang sidsid sa Iyang bisti—Mat. 9:20-22:

- A. Nagtimaan ang bisti ni Cristo sa matarong nga binuhatan Niya, ug nagtimaan ang sidsid sa langitnong pagbuot: “Mamulong ka sa mga anak sa Israel ug sultii sila nga maghimo silag mga borlas sa mga sidsid sa ilang mga bisti sa tanan nilang kaliwatan ug butangag lubid nga asul ang borlas sa matag sidsid. Ug mahimo kining borlas alang ninyo, aron inigkakita ninyo niini mahinumdom mo sa tanang sugo ni Jehova ug mobuhat niini...ug mabalaan alang sa inyong Dios”—Num. 15:38-40:
 - 1. Nagtimaan og paggapos ang lubid, ug nagtimaan og langitnon ang asul.
 - 2. Busa, nagtimaan ang lubid nga asul nga, isip mga anak sa Dios, matahom gyod unta ug gibut-an, gidumalahan, ug ginapos sa langitnong pangagamhanan, paglimiti, ug pagbalaod ang paggawi ug pamatasan nato.
- B. Nagtimaan sa maayong gawi sa tawo ang mga bisti; nagtimaan ang mga bisti sa Ginoo sa hingpit nga paggawi Niya diha sa Iyang pagka-tawo, sa pagkahingpit nga tawhanong maayong kagawian Niya.
- C. Dunay gahom nga makaayo sa tawhanong maayong gawi ni Ginoong Jesus; busa, sa paghikap sa masakitong babaye sa sidsid sa Iyang bisti, nilatay kaniya ang gahom sa maayong gawi Niya, ug naayo siya.
- D. Nigula sa binuhatan ni Cristo nga gibut-an sa langit ang maayong gawi nga nahimong gahom nga ma-kaayo—Mat. 14:36.
- E. Ang paghikap sa mga bisti sa Ginoo sa pagkatinuod paghikap man sa pagka-tawo Niya nga nagpakalawas sa Dios (Col. 2:9); nianang paghikapa gipalatay ang Iyang diosnong gahom ngadto sa nihikap Niya pinaagi sa pagkahingpit sa Iyang pagka-tawo, ug nahimo kining pagayo kaniya (Luc. 8:45-48; Heb. 12:2a).
- F. Ang Dios nga nagpuyo sa dili maduol nga kahayag nahimong mahikap na nga Ulipon-Manluluwas pinaagi sa Iyang pagka-tawo aron maluwas ug makapahimulos siya.
- G. Walay nadawat gikan sa Ulipon-Manluluwas ang nagdinuotay nga panon sa katawhan, apan duna gyoy nadawat ang nihikap Niya (tan-awa ang *Mga Alawiton*, #559, estansa 2 ug chorus).

II. Si Ginoong Jesus ang atong Magbalantay, ug kita ang Iyang mga karnero—Mat. 9:36; Isa. 40:11; 53:6; Ezeq. 34:1-5, 11-15:

- A. Giatiman ta Niya sa unang hugna sa pagpahimulos kang Cristo nga lunhawng mga sibsibanan ug sa Espiritu nga mga tubig sa pahulay—Sal. 23:1-2; 1 Tim. 1:4; Fil. 1:19b; Juan 21:15; 1 Tes. 2:7; 1 Cor. 12:13b.
- B. Giatiman ta Niya sa ikaduhang hugna sa pagkadasig pag-usab ug pagkatransporma sa mga agianan sa pagkamatarong—Sal. 23:3; Rom. 12:2; Juan 7:38; Rom. 8:4.
- C. Giatiman ta Niya sa ikatulong hugna sa pagsinati sa presensya sa nabanhawng pneumatcong Cristo latas sa walog sa landong sa kamatayon—Sal. 23:4; 2 Tim. 4:22; 2 Cor. 12:7-10.
- D. Giatiman ta Niya sa ikaupat nga hugna sa mas lalom ug mas habog nga pagpahimulos sa nabanhawng Cristo—Sal. 23:5:
 - 1. Nagbuklad ang Ginoo og talad sa atubangan nato sa presensya sa atong mga kabatok—v. 5a; itandi sa 2 Sam. 4:4; 9:7, 13; Gen. 14:18-20; Neh. 4:17.

2. Gidi Hogan sa Ginoo ang atong ulo og lana, ug nag-awas ang atong kopa—Sal. 23:5b; Heb. 1:9; 1 Cor. 10:16a, 21.
 3. Sa Salmo 23:5 naa ang Tulo-usang Dios—ang Anak nga kombira, ang Espiritu nga lanang igdihog, ug ang Amahan nga tinubdan sa panalangin.
- E. Giatiman ta Niya sa ikalimang hugna sa tibuok-kinabuhing pagpahimulos sa diosnong kaayo ug mahigugmaong-kalulot sa balay ni Jehova—v. 6:
1. Diha sa organicong pagpangatiman sa pneumaticong Cristo, magsunod nato ang kaayo ug mahigugmaong-kalulot sa tanang adlaw sa atong kinabuhi, ug magpuyo ta sa balay ni Jehova sa gidugayon sa atong mga adlaw—v. 6:
 - a. Nagpasabot ang *kaayo* sa grasya ni Cristo, nagpasabot ang *mahigugmaong-kalulot* sa gugma sa Amahan, ug nagpasabot ang *magsunod* sa pakig-ambitay sa Espiritu; busa, nag-uban nato ang grasya sa Anak, ang gugma sa Amahan, ug ang pakig-ambitay sa Espiritu—2 Cor. 13:14.
 - b. Ang pagpahimulos sa nahikay ug nahingpit nga Tulo-usang Dios magdala nato ngadto sa pagpahimulos sa Dios diha sa balay sa Dios (ni Cristo, sa iglesia, sa atong espiritu, ug sa Bag-ong Jerusalem—Juan 1:14; 2:21; 1 Tim. 3:15-16; Efe. 2:22; Bug. 21:2-3, 22) nga magpuyo ta niini sa gidugayon sa atong mga adlaw (sa kasamtangang panahon, sa moabot nga panahon, ug sa eternidad).
 2. Tinguhaon gyod nato nga magpuyo sa balay sa Dios sa tanang adlaw sa atong kinabuhi—Sal. 27:4-8:
 - a. Aron mosud-ong sa katahom (pagkahiligugmaon, pagkamakapahimuot, pagkamakalipay) sa Dios—vv. 4a, 8; 2 Cor. 3:18.
 - b. Magpakisayod sa Dios, magpakisusi Kaniya kalabot sa tanang butang sa inadlaw natong kinabuhi—Sal. 27:4b; itandi sa Jos. 9:14.
 - c. Tagoan sa silonganan sa Dios ug motago diha sa tagoanan sa Iyang tolda—Sal. 27:5a; 31:20.
 - d. Patindogon ug bayawon sa Dios ang atong ulo—27:5b-6a.
 - e. Maghalad og mga halad-inihaw sa mga singgit sa kalipay ug moawit ug magsalmo ngadto sa Dios aron mahimaya Siya—v. 6b; Heb. 13:15; Fil. 2:11.

III. Si Ginoong Jesus ang atong pahulay—Mat. 11:28-30:

- A. “Ari Nako kamong tanang naghago ug nabug-atan, ug papahulayon Ko kamo”—v. 28:
 1. Ang naghago dinhi nagpasabot dili lang sa kahago sa pagpaningkamot sa pagtuman sa mga sugo sa kasugoan ug sa mga regulasyon sa relihiyon kondili sa kahago sab sa pagpaningkamot nga magmalamposon sa bisan unsang buhat; bisan kinsang naghago sa ingon niana kanunay gyong bug-at nga naluwanan.
 2. Ang pahulay dili lang nagpasabot nga nakagawas sa paghago ug luwan ubos sa kasugoan o relihiyon o sa bisan unsang buhat ug kaakohan, kondili sa hingpit sab nga kalinaw ug bug-os nga katagbawan.
- B. “Isangon ninyo ang Akong yugo ug magkat-on mo Nako, kay malumo Ko ug mapaubsanog kasingkasing, ug makakaplag mog pahulay alang sa inyong mga kalag. Kay sayon ang Akong yugo ug gaan ang Akong luwan”—vv. 29-30:
 1. Ang pagsangon sa yugo sa Ginoo pagdawat man sa kabubut-on sa Amahan; dili kini pagpabuot o pagpakontrol ba sa bisan unsang buhat, kondili pagpapugong sa kabubut-on sa Amahan.
 2. Nagkinabuhi ang Ginoo sa ingon niana nga kinabuhi, walay laing gitagad kondili ang kabubut-on ra sa Iyang Amahan (Juan 4:34; 5:30; 6:38); hingpit gyod Siyang nagpasakop sa kabubut-on sa Amahan (Mat. 26:39, 42); busa, gihangyo ta Niya nga makat-on Niya.
 3. Kanang magkat-on ta Niya dili man dayag nga moawat ta Niya; mokopya hinuon ta sa Ginoo diha sa atong espiritu pinaagi sa pagsangon nato sa Iyang yugo—sa kabubut-on sa

Dios; kabubut-on sa Dios nga sangonan ta, ug itahan gyod nato ang atong liog ning yugoha aron mahimong hulad Niya—1 Ped. 2:21.

4. Ang pahulay nga makaplagaan nato sa pagsangon nato sa yugo sa Ginoo ug pagkat-on Kaniya alang man sa atong mga kalag; pahulay kini sa sulod ug dili iya lang sa gawas.
5. Ang yugo sa Ginoo mao ang kabubut-on sa Amahan, ug ang Iyang luwan mao ang buhat sa pagtuman niini; sayon kining yugoha (maayo, malulot, kasarangan, maaghop, makapahimuot—sukwahi sa lisod, bangis, pintas, pait), ug gaan kining luwana, dili bug-at.

IV. Ang Magsasabod mao ang matahom kaayong persona ni Ginoong Jesus, ug ang binhing gisabod mao sab ang Ginoo mismo nga pagkalawas sa Tulo-usang Dios—Mat. 13:3, 18-23:

- A. Makita gyod unta nato ang panan-awon ni Cristo, ang Magsasabod, nga nagsabod sa Iyang Kaugalingon nga binhi sa kinabuhi nganha sa mga tawo; kining panan-awona mao ang kinasentrohan sa pahiuli sa Ginoo, kay may kalabotan man kini sa gitinguha sa kasingkasing sa Ginoo.
- B. Nagtinguha Siya nga mosulod nato, nga piniling katawhan Niya, aron mahimong kinabuhi nato pinaagi sa panagsagol aron mahimo Siya mismo nga elemento nato ug mahimo tang pagpadayag Niya.
- C. Ang mga magtutuo, nga gipanganak pag-usab diha ni Cristo pinaagi sa kinabuhi sa Dios, yutang gitikad Niya, umahan sa bag-ong kabuhatan sa Dios nga magpatubog Cristo aron mapalugwa ang hamiling materyales alang sa balay sa Dios—1 Cor. 3:9, 12a.
- D. Matod pa sa Biblia, pareho ra ang pagtubo sa pagtukod; nahitabo kini pinaagi sa pagtubo sa diosnong binhi sa kinabuhi sa sulod nato—1 Juan 3:9; Col. 2:19; Efe. 4:15-16.
- E. Gipadayag sa Efeso 3:17 nga nisulod na ang Tulo-usang Dios kanato aron magbuhat sa buhat sa pagtukod nga Siya mismo ang elemento ug naay iya sab nato isip materyal; gihulagway kini sa sambingay sa magsasabod sa Mateo 13:
 1. Gisabod sa Ginoo ang Iyang Kaugalingon isip binhi sa kinabuhi nganha sa mga kasingkasing sa mga tawo, sa yuta, aron motubo ug mabuhi Siya diha nila ug mapadayag gikan sa sulod nila—v. 3.
 2. Gisabod ang binhi sa yuta aron motubo pinaagi sa mga sustansya sa yuta; ang resulta, komposisyon sa mga elemento gikan sa binhi ug sa yuta ang bunga—v. 23.
 3. Naay pila ka sustansya sa sulod nato nga gilalang sa Dios isip pagpangandam sa pagsulod Niya kanato aron motubo sa sulod nato; gilalang sa Dios ang espiritu sa tawo nga may mga sustansya sa tawo ug ang kasingkasing sa tawo nga yuta alang sa diosnong binhi—1 Ped. 3:4.
 4. Wala mag-agad sa diosnong binhi ang kakusog sa pagtubo nato sa kinabuhi kondili sa gidaghanon sa sustansyang isangkap nato ning binhia; labi kadaghan ang sustansyang isangkap nato, maglabi sab kapaspas ang pagtubo ug paglambo sa binhi—Mat. 5:3, 8.
 5. Kon magpabilin ta sa atong kalag, sa natural natong tawo, wala gyoy sustansyang magpatubo sa diosnong binhi, apan kon malig-onan ta nganha sa tawo nato sa sulod ug kon magtagad ta sa atong espiritu ug gamiton kini, ikasangkap ang mga sustansya ug makabalay si Cristo sa atong kasingkasing—Efe. 3:16-17; Rom. 8:6; 1 Tim. 4:7; itandi sa Jud. 19.
 6. Kon buot natong motubo ang Ginoo nga binhi sa kinabuhi sa sulod nato ug mahimong hingpit nga pagpahimulos nato, bug-os gyod tang mobukas ug mobulig sa Ginoo aron hingpit nga mabatokan ang atong kasingkasing—Mat. 13:3-9, 18-23.
 7. Sa usa ka bahin, gipalig-on ta sa Dios pinaagi sa Iyang Kaugalingon isip elemento, ug sa laing bahin, nagsangkap ta sa mga sustansya; pinaagi ning duha gibuhat sa Dios diha ni Cristo ang tiunayng pagtukod Niya—ang pagtukod sa Iyang balay—sa tibuok pagkatawo nato.